

ditu : Auditus per verbum DE I: & quidem per verbum Evangelij, ipso interprete Apostolo, verbis precedentibus 15. & 16. Et illud 1. Cor. 1. 21. Postquam in sapientia DE I non cognovit Mundus per sapientiam DEV M, visum est, per stultitiam predicationis salvos facere credentes.

21. Quam ob causam Ministerium Novi Testamenti sive Evangelij disertè nominatur ministerium non literæ occidentis: sed Spiritus vivificantis & iustificantis in gloria 2. Cor. 3, 6. & seqq. Et potentia DE I ad salutem omni credenti Rom. 1. 16. Item semen incorruptibile, quo renascimur ad vitam eternam 1. Petr. 1. 13. Quod de verbo Evangelij intelligendum esse statim Petrus explicat, subiiciens v. 25. Hoc autem est verbum, quod annunciatum est vobis: Per quod etiam D. Paulus suos Corinthios se in Christo Iesu genuisse, scribit. 1. Cor. 4. 15.

22. Probatur idem Exemplis eorum, qui ad conciones Apostolorum conversi sunt: ut in domo Cornelij, adhuc loquente Petro, Spiritus sanctus cecidit super illos Act. 10. 44.

23. Idem de Sacramentorum usu ferendum est iudicium. De baptismo enim Christus ait: Joh. 3. 5. Nisi quis renatus fuerit ex aqua & Spiritu, non potest ingredi regnum cælorum. Nemo autem absque fide potest ingredi regnum cælorum. Ergo

Et